

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج ایدلین اوراق اعاده اولماز.

مجله ادبیات

اداره خانه سی باب عالی جاده سننده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه ذن
آلنق شرطیله ۴۰، طشر دلره پوسته
اجرتیله برابر ۶۰ غروشدرد.

نسخه سی ۹ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

ایله طاغردن، تپلردن آقوب کلن سیول
بیشمارک جریان وسیلانی ائسانسده بر چوق
مواد معدنیه وقوم وچا وور ابحار مذکورنک
صولرینه قاریشهرق قعرلرنده تراکم ایدن
حیوانات قشریه اجسادیلر مخلوط بر طبقه
حجریه تشکل ایلشدر. دها صوکره تاثیر
حرارت مرکزیله بعض دکرلرک مجرالریده
یوکسلوب قرملره انضمام ایتشدرکه الیوم
مشاهده اولدینی اوزره قطعات بریهنک
طاغ صرترلرینه وارنجیه قدر پک چوق
یرلری بوقیلدن حیوانات عناصرندن متشکل
وهواد حیوانیه ایله مختلردر.

بناء علیه قشر ارض، بری درون
خاکن مذاب اوله رق خارجه فیلامش
دیگریده قعر بجمارده سیل و آقیدیلرک
سوروب کتیردکاری مواد مختلفه دن تشکل
ایتمش ایکی نوع قایادن مرکبدر. بونلردن
برنجی نوعه داخل اولانلره «احجار ماییه»
دیگرلرینه ده «احجار رسوبیه» نامی ویریلیر.
بویکی طبقه حجریهنک صورت ترکیب
وتشکلی حقنه سرد مطالعندن صرف
نظزلره او باده دها زیاده معلوماته دسترس
اولق ایستیلرک فن طبقات الارضه متعلق
مؤلفاته مرجعت ایتلری لزومی عرض
واخطار ایله ختم کفتار ایدرز.

مسین دانسه

دالغیج قوشلر

تحت البحر ایشله دلمکه چالیشیلان
واپورلرک عادی واپورلره نسبتله بر صورت
فوق العاده سرعت سیره مالک اوله جغنی
ارباب فن خبر ویردکاری زمان پکده اینانق
ایسته مینلر بولنور. صو اوزرنده یوزن
صویه دالان قوشلرک حالی تدقیق ایدیلرک
اولورسه، بونلرک ولهرسان بر صورته

سباحلرندن، بوفکرک اصابتی مؤید احوال
مشاهده اولنور. از جمله «پنگوین» [۱]
دینلن قوشک خلقتی نه طیرانه، نه ده سیرانه
مساعدا اولیوب کویا آیاقلری یکدیگرینه مربوط
ایتمش کی صیجریه صیجریه یورور. حتی
سطح ماده یوزیشیده پک عایددر. فقط
صویه دالینی زمان عادتاً طیران ایدر.
لوندرنک حیوانات بانچه سنده بو جنس
قوشلردن موجوددر؛ بونلری تماشیه کیدنلر،
خدمتچیلرک یم کتیردیکی زمانه تصادف ایدرلرسه
پک غریب احوال مشاهده ایدرلر:

اوآغر، چاریق وجودلی حیوان بر
سرعت وحسن صورت کسب ایدرک بانچه
حوضنک براق صولری آلتنده هواده اوچان
قوشلره غبطه بخش اوله جق بر سرعتله
طیران ایدر. قانادلری صو ایچنده عادتاً
هواده اوچیورمش کی حرکت ایلر،
آیاقلری ایسه وجودی بونجه اوزانوب
طورر، یعنی نه دومن، نه ده موتور وظیفه سنی
ایفا ایتمز. بر طرفه میل وانحراف ایلک
ایستدیمی؛ قانادلرندن بریسنی توقیف و دیگری
تحریرک ایتک صورتیه مطلوب اولان انحرافی
حاصل ایدر. بناء علیه صو ایچنده بر بالق
کوروب ده تعقیب ایدرک اولسه سرعتله اصلا
خلل کتیرمکسزین بالنی یا قلامغه موفق اولور.
قره باتاق دیدیکمز حیوانلرده امر بر
عکسدر: بونلر آیاقلرینی عادتاً بر واپور
پروانه سی کی استعمال ایدرک سباحه ایدرلر.
مع مافیه بونلرکده صودروننده کی حرکتلرنده
کورولن سرعت سطح ماده کی سرعت سبا-
حتلرینه نسبتله اوچ درت قات زیاده در.

—۱۴—۱۳—۱۲—۱۱—۱۰—۹—۸—۷—۶—۵—۴—۳—۲—۱—

[۱] Pingouin یا خود Pinguin پنگوین اکثراً
دکر کنارلرنده یاشار اولدقجه جسم بر قوشدر.
ارتفاعی تقریباً ۶۰ سانتیمترودر. قانادلری پک
قیصه اولدیفندن طیران ایدر، فقط بونلری صو
دروننده پک کوزل استعمال ایلر.

صناعی اینجی

انکلیز رسائل فیه سندن برنده مطالعه
اولدیفنه کوره «سمیت سون» دار الفنون
منتسبیندن بعض ذوات — کال لطافتی حاز
اولق اوزره — صناعی اینجی استحصالی
ایچون غایت ساده بر اصول کشف ایتشدردر.
ذوات مومی الیهمدن بریسی کوکرچین
یومورطه سی جسماتنده، غایت پارلاق،
صاغلام، پنه رنگه واصلالکسز بردریتم
استحصاله موفق اولمشدر. شیدی بواصولی
سزده اوکرتمک ایسترسکز دکلی؛ تکرار
ایدهلم که پک ساده وایله اوزون اوزادی
تکلفاتدن آزاده در.. بیلدیکمز عادی صاری
بالمومندن بر مقدارینی، یووارلاق برشکلده
اولدینی حالده، یم صورتنده، حیوانات
ناعمندن مدیه، استریدی کی حیوانات تارلا-
سنه آتیورهرک بز قاج سنلر اوراده ترک
ایتملی؛ حیوانلر مذکور بالمومنی کندی
افرازاات مخصوصه لرله تربیه ایدرک اینجی
حاله کتیرلر. شوحوادث تحقق و بویوله کی
تجارب ترقی ایدوبده بویله جسم وقصور-
سز اینجیلر استحصال اولنورسه خالص اینجی
تجارتیه مشغول اولانلرک جداً دوچار
ضرر اوله جقلری درکاردر.

—۱۴—۱۳—۱۲—۱۱—۱۰—۹—۸—۷—۶—۵—۴—۳—۲—۱—

آمریقاده بیزموت معدنلری

جنوبی آمریقا حکوماتندن «بولوی»
حکومتنده کائن «پاز» شهرنده کی فرانسر
قونسولوسی قطعه مذکوره ده بیزموت
وانتیوم معدنلری بولدیفنی حکومت متبوعه-
سنه اشعار ایتشدر. شمعی به قدر معلوم
اولان بیزموت معدنی یالکز «کسیستلا»
نام محله اولوب بوندن شهری یکریمی اوچ